

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2665 del 28/09/2021

Traduzione in mòcheno

S ist schoa' s zeichente vòrt as kimm pfaiert der Festival van jungen van Euregio

En vrait as de 24 van leistagest, kan Landhaus va Innsbruck, hòt se gahòltn ver de zeichente vòrt der Festival van Jungen van Euregio. Der ist kemmen inngabichen en 2011 – s glaiche jor as ist augòngen der Euregio Tirol-Südtirol-Trentin – ont propre ver dòs kimm er tschazt abia “mama” van òlla de projekt n van Euregio as kearn en de jungen.

En gòzn kemmen envire trong nai'n projekt n Euregio as jor, van Euregio Summer Camp, as de Luftkapelle van jungen van Euregio, as n Euregio Academy; de sai' iberhaup gamòcht ver de jungen van Tirol, Südtirol ont Trentin. Der rif ist der sèll za verglaimern de jungen van drai lander ont iberhaup en de unterschitn ont en de glaichkaitn van Euregio ont gilt gem en de sprochen.

Haier ver schult va de kronket Covid, lai 30 junga van drai lander meing toalnehmen en Festival van Jungen as ist gaben en Steinach as de 22 finz as de 25 van leistagest. S drau klòffen en as en tema van Euregio ist kemmen gamòcht pet de politiker vourstea'ner ont auskenneta lait van Euregio. Ver za riven der programm s sai' kemmen gamòcht de suachen en Bèlt van Gruam BBT ont de untersuach va de stòtt va Innsbruck.

Vour de kronket van Covid en merz van 2020, s hom toalgandòmmen 60-90 junga en an iata van drai lander van Euregio. Van 2012, der Festival van Jungen van Euregio ist schoa' gaben en 23 Gamao'n. En gòzn mear va 700 studentn hom gòp de meglechket za kennen der Euregio ont de hom kennt an schouber kamaròtn gèltsgott en Festival van Jungen van Euregio.

Ibersetz gamòcht van Sprochtirl va de Tolgamao'schòft Hoa Valzegu' ont Bersntol
(Traduzione a cura dello Sportello linguistico della Comunità Alta Valsugana e Bersntol)

(cdt)